

蒼

梧

詞

蒼梧詞卷六

武進董元愷舜民撰

桐城江 臯磊齋評

同郡曹亮武南耕閱

中調 三

金人捧露盤

驪山懷古

遍驪山雲杳杳路漫漫恨古今成敗無端周原烽火
還留禍水響潺湲西風落葉驚回首一炬烟寒幾

何時英雄淚。楓葉染曉霜。丹總蕭條繡。嶺花殘。五陵
無樹。依然明月照秦關。還試問金釵玉筍。天上人間。
天不日却因歌舞破除。休干載一轍。豈獨江南幾家田土。

紅林擒近

詠佛手柑花

南海春工早。西天秋意涼。翠葉壓霜橘。素葩發幽光。
散來雪山花瓣。淡掃佛國嚴粧。清絕綺閣瓊窗。夜靜
夢魂香。皓月澄疎影。冷蕊促飛觴。勻膏漬粉。曾經
共沐芬芳。恰輕拈微笑。東風屈指。合掌雲屏伴法王。

踏青遊

婁東清明

北郭尋青閒向百家墳畔。總零落鞦韆池館。新火纍
纍新塚。荒草萋萋荒岸。風送榆錢無算。共陰風紙錢
吹亂。最是傷心繡閣孤帷。魂斷恨春光輕寒輕暖。
奈一別泉臺。忍把流鶯與淚痕飛絮。滿暮雨瀟瀟愁
件。

柳初新

本意和丁飛壽韻

柔條欲挽春光住。嫩綠半含還吐。接藍湫水輕黃弄色。染就滿溪花霧。十五盈盈楚楚。最銷魂章臺初去。多少鶯歌燕語。織春愁萬絲千縷。愁睂乍展。纖腰學舞。怎禁得欺烟困雨。好向粧樓共倚。任東風一簾香絮。

江希齋日脫盡繁華獨存風韻依然張緒當年

鬪百花

臘月桃花

曉放端溪棹。穩似與武陵溪近。波含臘月寒暉。樹發

豔陽春信開遍桃花到處間柳遮梅彷彿烟斜霧嫩
細把穠芳認臨水倚牆紫陌紅塵相映無言忽笑
小立東風微暈繡線初添美人欲賺崔郎拘上一枝
雲鬢

驀山溪

宿樓雲精舍

叅天黛色染遍湖波綠無數亂峰橫辨三徑吾廬修
竹開扉猿鳥花雨過疎鐘清泉麓朱闌曲流水和雲
宿一鉶一鉢白日消碁局香積腐儒餐更隨分山

有野蔌六時寂寂萬壑變晴陰張公谷君遷木梅老
茶初熟

黃公曰白雲南山來就我簷際宿此宿字近流水和雲宿宿字遠寫得溶溶瀟瀟妙不可思

早梅芳

詠青梅

玉肌清冰魂瘦忽見濃陰覆溶溶庭院一樹垂垂伴
晴晝枝頭青子結葉底繁英透試凌波微展小摘纖
纖手綴如珠勻似豆曾撚粧臺右晶盤初薦較前
酸楚應非舊鹽和商相鼎齒軟吳姬口問東風並蒂

猶存否。

曹南耕曰。詠物切用古化。還當試煮青梅與舜民評論。山林人物也。

新荷葉

夏景

翠竹高梧濃陰綠。樹婆娑。晝永閒庭。燕雛鶯友相過。
玉人此際無情緒。初試輕羅。微搖紈扇。好風颭動湘波。
斜倚闌干。碧珠亂點池荷。密簾疎簾。水紋一枕涼多。
素馨香滿新浴罷。重畫雙蛾。流螢戲撲。坐看夜影明河。

鄴仙日不減水
殿風來之詠

瓜茉莉

客中秋病和陳其年韻

颯颯蛩鳴蕭蕭葉響悲哉秋氣西來朝爽四時作客
恰三秋心情微恙那更禁淚濕琵琶江上數峰高唱
鄉關何處萬疊雲山相向閱不盡驚濤駭浪此身
原擬似浮萍真淒愴只一七神樓三杯浮蟻便是元
靈玉醬

拂霓裳

觀蘭語堂女樂

蕙風天。幽蘭欲語。氣如烟。簾幕靜。回堂珍重。啓芳筵。
銀絲鏤雪。鱗玉茗瀉。冰泉月娟娟。一行行。紅粉擁神
仙。明璫翠袖。不羨錦瑟華年。歌喉細。紫綃絳樹。鬪
妖妍。檀槽催按拍。竹肉應鳴絃。舞蹁躚。暗銷魂。醉倚
百花前。

叔易農曰。自古風流易於雲散。而沉香亭嬌豔。至
今令人神往者。乃清平調三章。太白筆尖。留得也。
蘭語堂歌喉舞袖。極一時之盛。余與舜民同觀。有
舜民一詞。覺人影燭花。今猶未散。作人間佳話矣。
但白頭司馬老。我無情。一曲琵琶青衫不復濕耳。

千秋歲引

壽許節母

霞泛青鸞風飄紫燕絳帳女宗人爭羨熊丸素嫺班
氏管軒車時到陶家薦汝南龍河東鳳皆邦彥有
母兼將父道擅有兒貽厥孫謀善此日徽音滿芳甸
井闌秋結冰桃實蘭堦春廕神芝遍進金鵝斟玉醴
瑤池宴

迷仙引

訪迷樓故址

棠梨香冷。御苑雲深。迷樓何處。堤畔銷魂。只送行人。
來去搖蕩。春光如許。似把興亡。訴看廿四橋頭。三千
殿脚。一天絲雨。往事渾無據。莫問離宮路。蔓草寒
烟已耕斷。隋皇古墓。縱昔日明璫翠羽。被東風添上。
數坏黃土。

阮亭曰茂苑鵲鸛鄴臺
烟雨憑弔西風欲泣

滿路花

酬贈紀仲霽白漢陽之西江卽用原和周清

真韻

筆垂秋葉露文湧梁園雪翩翩擅渤海才華絕林宗
瀟灑有角真堪折四海聲名闊傾蓋相逢客中共數
嘉節幾聲哀雁叫得楓成血一片江天樹誰相接
自携綠綺曲調偏親切都向琴心說鼓罷清風拂拂
飄來大別

其二

盡飲郎官酒快榻龍丘雪紫馬題黃鶴稱雙絕令弟
陽太守奕葉金貂醉擊珊瑚折天遠孤帆闊放棹西江
歷歷晴川時節青衫濕淚還灑榴花血石榴花塔
孝婦事在

漢陽春。草池塘。夢烟波。接逢迎處處。觸景成悲切。待向
何人說。且沽斗酒。莫賦騷駒欲別。

平子遠日。倘儻風流
之槩。照耀大江左右。

洞仙歌

張公洞

童山寂歷有神仙。窟宅鬼斧何年巨。靈劈呀然開闢。
處天壤中。寬濶無極。直下鴻濛千尺。炬光迷近遠。
線縷縈盤。側仄飛梁度空碧。出鳥道。枝撐仰面。崢嶸
愁顛墜。低頭跼踖。問丹竈玉堂白雲封。只怪石嵯峨。

張公遺跡

善權洞

嶽。崙。兩。洞。更。善。權。溪。秀。鑿。翠。玲。瓏。開。戶。牖。敞。層。霄。雲。
氣。結。就。重。樓。樓。高。下。風。動。懸。崖。激。溜。聳。身。穿。詰。屈。
隨。下。危。梯。絲。竹。清。音。雜。颺。颺。人。世。有。仙。田。白。石。充。糧。
兼。環。列。藥。爐。茶。臼。但。雷。篆。猶。存。固。碑。空。不。禁。得。洞。中。
一。時。回。首。

陳其年曰張公二洞擅奇千古而絕無名記相配
舜民以小詞寫盡是不當以詩餘觀當作遊記讀
夏日齋中苦熱和東坡夏夜韻

小齋煩暑。團扇交揮汗。一庭綠樹炎氛滿。闌干畔。薰
風觸熱吹來。爐香裊幾縷。碧烟凌亂。琅玕清枕簟。
夢到羲皇。此中人不知。有漢被蟬曳。殘聲喚醒桃源。
茶初熟。桐陰斜轉。且奈向月白露濃時。聽白雪。高歌。
方空新換。

秋夜月

蛟橋月夜

長橋月夜。拱南山。俯荆水。清輝平野。一望白空城郭。
翠浮松。欖蟾鏡啓。彩虹落。烟波如画。瀟灑偏照孝侯。

祠下盡如卿者蛟可屠虎可射人人虞夏剩得陰
房鬼火靈旗飄瓦蓼花飛楓葉染悲哉秋也秋光長
則向栢中瀉

其年日忽斷忽續非阡非陌
詞至此鬼夜哭天雨粟矣

霜天曉角

長至夜同內擁爐煨芋作

陰雲低覆看繞簷冰雷一線初添時候燃宮餅銷金
獸羅襦翠袖促坐紅爐右侍兒斜撥寒灰煨紫芋憑
纖手殷勤夜久暖語歡情厚長願一生同守人如

舊愁還又橫窗疎影。可似伊清瘦。今宵好護餅梅把
春光先洩漏。

蕙蘭芳引

詠樹蘭

西牖光風正。空谷秋蘭初發。看九畹遺芳。一種幽姿
堪別。疎林細葉。映滿樹垂垂香雪。記携來嶺海。人在
瑤臺冰闕。種異珍珠名傳。魚子數莖。千結怕衆草
爲羣。獨自亭亭欲絕。玉莖紫豔。共伊清冽。愛多情移
傍枕函親切。

簇水

春雨

密。灑。輕。勻。東。風。幾。度。廉。纖。雨。空。濛。翠。靄。十。帶。迷。離。烟。
樹。攸。弄。絲。絲。裊。裊。鋪。遍。芳。郊。路。盡。日。裏。欲。飛。還。住。
驚。春。暮。見。陌。上。歸。鞭。急。整。頻。悵。望。增。淒。楚。鶯。回。燕。掠。
到。處。吹。花。沾。絮。更。入。巫。山。好。夢。向。晚。縈。情。緒。凭。闌。聽。
點。點。心。頭。長。貯。

阮亭曰蘇夫人云春月令人和悅乃知春雨亦然
不似黃葉空堦只與離人訴斷腸也若寫作一片
淒涼與似夢如
愁相去多少

華胥引

題華胥楊妃春睡圖

玉精臨砌。綺閣移春。夜明簾影。霧鬢烟鬟。四肢紅玉。
輕雲映羅巾。汗拭桃花。恰海棠。所並翠枕支痕。睡起
橫波微暈。好夢誰驚。似忽被漁陽喚醒。鈿合釵分。
誰想花冠不整。早是粉本流傳。画圖重省。一幅生綃。
消得銀屏畫永。輕雲綃妃所衣也。桃花海棠俱用太真事。

黃公曰。赤鳳鹿兒。千載齒冷。不如賈南
風。無處著論。此亦文人刻恕不平處。

恩愛深

記得

記得當初曾私語。醺醺下芳茵。促坐花枝低亞。幾曲柔腸。魏毫吟就。香羅怕細。把儂歡寫。而今何事。暗愁縈惹。卜盡金錢。還是假。只一幅蠻箋。消受半生良夜。孤雁叫寒汀。淒涼絮出。傷心話。誰伴殘燈影。聽暮雨。瀟瀟淚珠同灑。

磊齋曰。惻惻悽悽。另用一種筆墨。兒女子昵語。小窗時耶。

江城梅花引

秋夜聽內彈清江引

半簾花影入房櫳。對孤桐。撫絲桐。鼓一再行。繞指動。
清風指下。風生松下。應拂白石。響清泉。雨淙淙。淙淙。
淙淙。瑟瑟滿晴空。曲未終。意無窮。聽也聽也。聽忽變換。
羽移宮。又似貫珠聲。斷百尋。中此夜。香閨幽夢冷。月
落也。飛別鶴。送歸鴻。

阮亭曰。如有朱絃。疏越起於
筆端。真足洗盡箏笛耳矣。

步月

月下携小婢登錫山

八九峰巒十三嬌。小相携。月下芳姿。山空人靜。玉臂

倩扶持。花弄影。渾身上下。風動竹。忽地驚疑。偏消受。
一天清景。冷露濕鞋兒。望梁溪城郭。恰幽輝皎潔。
處處追隨。撲流螢。微揮輕篴。倚翠袖。斜覆纖絺。回船
也。夫人猶自愛眠遲。

黃公日來
漏泄春光

惜紅衣

午日桃溪舟中

有水有山。無花無酒。蒲根誰切。角黍空涎。雨濕征衫。
透篷窗。蕭瑟兩三箇。鷺朋鷗友。憐否。痛飲新茶半醉。

歌銅斗。海榴深院。綵線虛懸。此際頻回首。還憶去年時候。章江口。隨意釵符艾虎。異地銀箏紅袖。總飄零。恰是楚尾吳頭如舊。

八六子

楊青巖舅遂初堂讌集

遂初堂先生解組歸來。引客壺觴。正天矯盆梅作供。玲瓏綺石堪携。微風送涼。流連帶水迴廊。半壁青山。圖畫一簾白石。羲皇更爭拂吟箋。斜書絳帖。彈棋賭子。投壺角勝。總向竹葉徐傾。家醞紫茸頻試。新槍。

儘疎狂。還教索醉千場。

遊康山同吳天篆潘原白

問康山。重門窈窕深藏。曲巷迴環。正路轉層臺百折。
堂開峰頂三楹。蕭然掩關。良朋緩步躋攀。遶郭帆
雲。檣影隔江霧鬢。雲鬟恰三月。烟花短垣。縱目萬家
樓閣。小亭徙倚。又見檻內名葩。婀娜枝頭。好鳥綿蠻。
客心閒。解衣坐嘯忘還。

勸金船

舟上十八灘

驚濤。急溜。淙淙響。噴沫魚龍漾。大灘十八餘灘百更。
惶恐難傷。首灘名惶恐最險奇峰撲面。恰與船頭相向。船尾
裂雲穿石。如在天上。長年賈勇聲偏壯。齊踏千層
浪。盤渦笑撇雙蘭槳。似布帆風颺。席帽輕衫。獨倚柁
樓。淒爽。忽憶那呵一曲。夜靜猶唱。

天石日灘聲。峽雨拉雜耳目間。恍見舜民被浪乘風而上。

魚遊春水

潘園杜鵑

積翠屏。山曲遍。河陽銅官金谷。一聲杜宇驚起一枝。

躑躅愁絕春歸花與鳥江南望帝魂猶蜀泣露啼紅
淚痕相續何事司花頻促此地擅鵲林清福南嶽已絕

此種惟園中獨勝亂開股紫猩紅照人心目丹樓葉綻榴房

火絳霄錦覆杯中醪影映幔亭光搖銀燭

黃公曰一聲杜宇驚起一枝躑躅說得花鳥關情較杜鵑枝上杜鵑啼更刻露

雪獅兒

都門洗象詞

晝日陰陰都門洗象爭傳奇絕蕩漾春波士女六街
填咽搖光森列却低受蠻奴羈紲鞭梢整踏入金塘

素牙玉縈。雙蒂縛來清刷。正殷鼻成雷。怒蹄捲雪。
水面。麟輅倏忽。山飛海決。雲興電滅。漸浴罷。含元仗。
立朝。雙闕拜舞。御階合節。

容齋曰。洗象奇觀。此詞以鴻藻寫之。龍象所蹴踏。自然倒海排山。

愁春未醒

寄壽王閨媛玉映

山陰鍾秀玉潤冰清。想吟紅留篋。俱玉映詩集廿年壇坫。

女長城。幾首新詩兩字浮名誤。半生如今長願書開。

萬卷花祝千齡。昔年樓上滿湖春水。依舊盈盈忽。

驚心雨絲風絮此恨曾經堆案楞伽消盡徐娘老去
情遙憐一樣青衫憔悴紅粉飄零

一枝花

花下警悟用辛稼軒韻

技學屠龍手智擅談天口倚長空下筆衝星斗想萬
里鞭箠肯落他人後一旦灰心久總將相神仙都聽
先生烏有風吹起一池春皺獨坐頻搔首撫孤松
還是忘年友問螻螳烏鳶也識王侯否寒食家家柳
便到荒丘誰消受隻雞絮酒

阮亭曰僕
意亦爾

鵲踏花翻

西秦車中携鸚鵡南歸數日飛去

隴樹秋深秦宮月落携將鸚鵡隨歸騎歸來水驛山
程聰慧堪論新詩讀向閨人記朱簾初捲忽開籠青
雲直上堪垂翅驚視千里高飛難致空辜負主人
情意怎似燕燕相依年年頻至好把奇毛秘思鄉莫
便入函關且教歷盡江南地

青際日結
句有情

宣清

秋閨月夜

皎潔當秋夜。正金波乍挹。冰壺初濯。看平鋪鴛瓦。琉璃漸照到。玉人綽約。露冷霓裳。風清環珮。幽輝如握。光欲滴。漏將闌。孤睡何曾便著。恰似人間。青天碧海。反竊姮娥藥。奈楚簾涼多。越羅衾薄。一點夢魂難托。待不思量。問今宵怎生拚却。

阮亭曰清
真佳處

意難忘

題神仙庵贈高鍊師

山逕雲遮見綠陰。淡處彷彿仙家小橋。欹澗響古屋。
帶藤斜通碧落。鎖烟霞翠竹映明沙。人間世。葛翁遺
井。試覓丹砂。客來便煮胡麻。更崖邊泛酒溪畔煎
茶。一聲驚白鶴。三尺袖青蛇。乘月馭駕雷車。採遍石
壇花。還記取松枝手植。暗歷年華。

東風齊著力

客中元旦

栢子扳春。松枝餞臘。又是新年韶華依舊。迢遞滯雲

天記得故家庭院。歡令節。弟妹團圓椒盤薦殷勤。纖手列坐長筵。回首各風烟。人不見。天涯淑景堪憐。異鄉朋好促膝話纏綿。處處閭閻揖讓空。贏得尺素名傳。無聊也。閒行坊曲。暗佇嬋娟。

轆轤金井

小鬟雨汲

垂垂碧柳拂朱門。雨滴銀塘芳草。鵲鬢初成正。臨風嬌小。臨流窈窕。映秋水。遠山睂。遶霧縠。烟鬟湘濱洛浦。轆轤春曉。瘦影亭亭自照。尚憐卿未解。向卿微。

笑清淺波紋怕玉釵輕掉羅裙半裊試汲取冷泉多
少皓腕頻携弓鞋半濕丰姿偏好

磊齋曰偏有此極堪
憐惜入文人眼中

法曲獻仙音

銅虎媒填詞初成聽梁溪女郎爲予歌二郎

神一曲喜而賦此

釵閃銀屏簾垂壁月填就新詞銅虎黃絹滾慚朱唇
輕轉消得佳人含吐細味幽蘭香氣偏識郎心苦
郎無誤有蕭娘殷勤堪顧紅燭下一字敲來宮譜拂

拂墮梁塵聽嫋嫋歌喉如縷笑問知音閨閣外可曾
相許倩浮白千杯領取清商全部

黃公曰閨閣外可曾相許此于何
從窺見林下風致自是董郎僂眼

曹溪六祖袈裟

織就木綿裁成碧絹光耀玉環金縷服號離塵布名
屈胸一鉢共來西土想夜半傳心印把心燈遮住

更入室師以

袈裟遮圍

寶林古歷唐宋禁闢崇護髦髦濶都

作河山坐具龍象遍琳宮怎猶存亞仙祠墓庾嶺歲
身踞石恨慧明辭去只密證潛符千載信衣畱處

南耕曰舜民年未三十卽踪跡遍山川其探奇好古之念得之于性非他人所能學也至其點染古今造化之妙亦原本自巳胸襟流出覺一水一石一草一木都作化工不由勉強其讀書得力處更自有在詞之一字又不足以盡之矣

蒼梧詞卷七

武進董元愷舜民撰

長洲尤侗悔菴評

同里楊大鶴芝田閱

長調一

滿江紅

過金沙寺爲岳鄂王題壁處敬和原韻

擐甲投戈。過蕭寺。晨鐘甫歇。想當日。衝冠怒髮。滿懷
忠烈。劍氣夜寒。陽羨草。筆光陣掃。金沙月。拂殘碑。遺

恨對西湖同悲切。淮北耻終難雪。淮西議終難滅。
歎黃龍未飲金甌還缺。潭水秋吟名士句。水天淚灑。
英雄血看陰陰松栢向南枝。朝雙闕。

尤悔菴曰潭水寒生月松風夜帶秋忠武詩也雪
窖水天洪皓祭徽宗句此詞慷慨激烈讀之覺忠
武英魂千載下猶有生氣

拜岳鄂王墓敬和原韻

大樹蕭蕭對衰草。寒烟未歇。憑弔處。孤忠湮背伊周。
爭烈石馬。畫嘶燕市雨。靈旗影斷。黃河月。念當時南
渡。只偏安空關切。三字獄何時雪。十年力誰人滅。

爲東窗一語山河殘缺銀旂紅啼嬌女淚玉環碧化
萇弘血望冬青盡處起西風搖宮闕

叔易農曰東窗一語山河
殘缺手載名言無人拈出

拜于忠肅公墓

細雨斜烟一坏土松楸瀟灑畱萬古青山碧血孤忠
司馬隻手有權持國是繞朝無力存宗社豈南還纔
與復神州台山下虎臥日羣謀罷龍飛日羣奸射
置死生成敗無如公者事去北門弓鳥恨功高西市
啼鵑夜使英雄垂淚共棲霞皆天也

黃公曰痛快悲
涼忠肅公吐氣

詠綠牡丹

厭粉羞朱十斛黛春恩初沐寫不出苔痕蘸色蘭膏
爭馥却擬新螺窠挹露浪猜么鳳朝迎旭寶如來舌
上現青蓮清波浴花瘦也藏金屋花睡也燒銀燭
信玉宜稱碧珠宜名綠青鬢學來梳未似翠睂相對
羞應簇便不須穠葉與扶持風流足

阮亭曰家西樵綠牡丹詩海國玻瓈青截玉瓦
南天水碧栽烟用事工妙碧玉綠珠致堪相近

壽天閒伯

高柳鳴蟬平蕪外綠蘿晴色要酌取碧筒爲壽如松
如栢黃綺衣冠留姓氏浮丘笑傲耽泉石問白雲天
上鑄紅顏天閒客孤山聳嵐陰赤橫河漲溪光碧
任飄飄紫府摩娑銅狄花撲玉缸前歲釀桃開瑤海
今年實正稱觴前席舞斑斕芝蘭室

過周山人山居留宿

咫尺揚帆扁舟繫夫湫山麓閒對着一湖春水一灣
新綠昨夜東風微雨過濤聲初漲谿橋曲抱衆山迴
台影參差雲爲屋千年樹蒼皮束十頃稻黃精斲

便呼兒揖客舉杯相屬入饌自誇蝦菜美團爐尚想
蹲鴟熟問山中花信作春秋無榮辱

其二

且住爲佳趣孤踪閒情野鶴堪愛是青山繞屋白雲
生閣種遍梨園張谷勝相逢橘叟巴人樂但逍遙一
枕足邯鄲溪聲覺千箇竹抽新籜千樹果輝雙萼
看殘山剩水放懷寥廓星曆初占山鳥喚國風細註
山花落苦低頭慚愧野人非微名縛

椒峰曰夫椒山中有此人興致頗自不
俗得吾舜民一爲點染遂令湖山生色

帳帳詞和陳其年韻

月白荒荒那更是亂雲漠漠拔劍起悲風吼地青丘
如削企脚琵琶天際想傷神絲竹中年惡奈三春長
只爲悲秋驚播落房名葯陂名芍簷巢鶴門羅雀
任文魔山鬼揶揄嗔噪橫槩竟同垓下詠唾壺也向
爐頭作有曹丘還解重黃金無人諾

其年曰驅遣古人入神入
化真使古人恨不見我

又

窮達由天擁萬卷百城南面都則是子虛烏有雄文

誰薦長嘯烟霞湖海伴良辰樽俎逍遙撰儘諸君鐘
鼎與山林從吾便蠻與觸方酣戰蜂與蟻方開宴
惜祖龍未竟還留筆硯八九胸中雲夢澤三千書牘
回心院醉中山此日杖頭錢卿釵釧

其年日吾知舜民此時
定笑立丈君明鏡前也

又

泛宅浮家卿笑謂君其休矣算只有五湖烟水年年
如此芳草遙天青欲白晴波夕照金還紫載一天風
月滿扁舟玄真子山欲雨嵩高璽花欲雨湘東藥

恍清虛賓主神霄奴婢被褐半疑火浣布斟茶擬吸
瓊芝髓訪靈威七日學長生餓仍死

其年日詭譎萬端
全似東方生宿世

又

岸憤青山長松下誰修邊幅痛飲酒離騷半卷不堪
多讀舌在徒成開口笑途窮耻作雍門哭聽涼州歌
罷又伊州陽春曲數升玉爭如粟數竿竹還須肉
笑折腰五斗何妨叢菊落元龍披錦繡紛紛巢許
稱臣僕又奚須山水作清音如琴筑

其年曰將毋果許亦應不味聞達科乎一笑
阮亭曰悵悵詞四闕故是陳髯勁抵

生日自壽

皇攬揆余正誕降庚寅之日任數載年來年去年年
如昔與世周旋吾作我一家逆旅身爲客儘浮生轉
瞬付浮雲誰陳迹何處獻金門策何處訪穀城石
只有花有酒斯晨斯夕好泛五湖烟水舫更消五嶽
平生屐踏齊州九點暮烟還如松栢

姜子翥曰望之
如神仙中人

壽史遠公五十

川曹顧菴
先生韻

半百才名指學海。詞源傑出。想念載分榮。絳帳廣文。
清密。內府流傳。義獻。幃國門爭。購丹青。筆正新。
翻豔曲。付紅牙。靈妃匹。羨落紙金壺。漆羨起草丹。
霞日看拂衣歸里。滿園榛栗。海上安期。瓜似棗。山中。
桃李人如木。總消磨一卷。是楞伽延年術。

又

側和
前韻

周肉何妻漫道是長生。仙術爭似汝長齋。繡佛丹爐。
服術少小。自憐遊獵賦。追陪空獻雕陵栗。更誰知四。
十九年非。冷何日。容未老。髯如漆。心未老。絲成匹。

恰悲來舞劍興酣。搦筆千古圖書。身上一杯詩酒。
花疎密。歎吾生早已勝而翁。星星出。

與史遠公談往事因憶范龍仙沈康生諸公

二疊
前韻

臣罪當誅。曾負累絲毫難出。今已矣。文溪胥吏網羅。
尤密百萬總由銖黍積。錢刀爭勝如椽筆。算書生原
不悔。封侯監門匹。茂才舉膠投漆。渭陽遇雲披日。
奈投臣有棗報君無栗。醉裏尚尋玄石酒。相期便訪
劉商木。問青天公等致身時。將何術。

醉飲史遠公齋中有感

四用同韻

天地茫茫愁無盡。銷愁無術應只有。澆愁惟酒不煩。
蓂木花下頻招松。下鶴盤中又檢山中栗。料吾身爛
醉。是生涯。須千日。夢欲醒。莊周漆心常醉。劉伶匹
任揮毫草檄。請纓投筆。薄劣自甘糟粕。老不才。且入
山林密。撫長錐。終歲處囊中。何由出。

贈潘原白兼題新居

五疊前韻

爛熳才華驚人句。潘江湧出儘年少。狂歌作達外疎。
中。密紅粉。一生三婦豔。黃庭五色千枝筆。更清泉白。

石。禹。經。綸。誰。堪。匹。楹。與。梅。施。丹。漆。亭。與。閣。凌。雲。日。
恰。滿。樽。柔。落。堆。盤。芋。栗。招。隱。小。山。俱。是。桂。高。吟。藥。圃。
寧。須。木。任。諸。君。擊。劒。復。彈。碁。縱。橫。術。

壽潘原白三十

六用
回韻

冉冉流光儘人世。謀身多術只如爾。神仙服食勝餐。
芝。木。絳。樹。橫。陳。琳。國。李。青。鸞。爭。捧。天。台。栗。願。百。年。七。
進。九。霞。觴。從。今。日。堪。裕。後。樊。宏。漆。堪。擅。譽。徐。卿。匹。
看。雙。雙。驥。子。能。文。操。筆。憐。我。白。頭。丘。壑。老。倚。君。紫。禁。
經。綸。密。好。因。時。莫。便。學。蹉。跎。乘。風。出。

贈張月陵

四疊前韻

季方難兄有愛弟。清河挺出羣。推是池塘春草玉。和金密玩世文章。科斗字驚人。風雨蛟龍筆。記翩翩裘馬少年時。今無匹。原不慕封君漆。誰能駐援戈日。恨閒關轉徙。艱難薪粟小。艇載詩更載酒。硯田種秫非栽木。聽君家說盡穀城書。還丹術。

送月陵入道

八用同韻

散盡千金學曼倩。善藏其術還更向。羅浮碧海鳳芝龍木檻。外露滋金洞。草崖邊雲護仙舟。栗採石壇花。

滿不知春義農日。服上藥調淨漆。星珮冷。虹霓匹。
只未忘綺語。更懷鉛筆。但令毛生名紙貴。不妨潘簞。
生塵客數牀頭。昨夜賣文錢飄然出。

雪夜野泊

五疊前韻

歲暮淒涼。繫纜處。片帆初出。蓬窗映。斜斜整整。似疎。
還密。片影夜寒。村店酒六飛。夢冷生花筆。遍千山。倚。
處一漁翁。孤舟匹。燈宛宛。遙憐漆。厭獵獵。難迴日。
覺布衾如水。手皴肌栗。燭盡寒灰悲。伏枕爐存餘炭。
思蒸木被餓驅。僵臥水之濱。貧無術。

與惲正叔相約同耕南田

十用
同韻

生不逢時問誰是銳情經術只吾爾難醫貧病非關
苓朮田舍豔稱十斛麥封侯且等千株栗想人生行
樂是西疇穰穰日琴上趣何勞漆花間友還相匹
更較晴曛雨焚書擲筆二頃好供饘粥費比鄰不羨
崇墉密但南山北與北山南相携出

芝田曰諸篇雄放磊落是歌是哭
亦嘲亦笑吾知舜民以詞鳴者也

登蕪湖塔絕頂用辛稼軒韻

拾級而登跨江表層霄突立凭檻望烟帆沙鳥連檣

風急霞映樓船。百丈火雲橫鐵鎖千尋。壁問何時天
塹限。江南誰曾識。欄干外。衣霑濕。鈴甌下。珠搖滴。
向蒼蒼。搔首遙遙空碧。俯仰自悲身世。事奔馳空灑
楊朱泣。擬過江也。學販繒人同爲客。

生洲日豪邁凌雲之氣
勃勃紙上酷似稼軒

送韓珠崖太史奉

詔歸娶

天上仙郎却占盡。人間清福人都羨。門闌喜氣錦攢
花簇。威鳳新膺博望選。求凰始叶和鳴卜。正日邊遙
捧五雲還。芙蓉麓。綰綬日丹文。轂合。香夕金蓮燭。

恰榮分紫誥。徽音堪續。蕙圃門盈桃李樹。鸞坡堂種。藍田玉擬。明年此際。海珠生華封祝。

鄴仙曰陳省公贈吳梅村及第歸娶詩泥金報入黃金屋種玉人歸白玉堂同一華麗

憶故園種竹栽籬悵然寄內

何意卿卿常則住。白鷗溪曲。那更是一春風雨。遠山如沐。挿。槿新栽。空谷錦移根。遠帶瀟湘綠。羨。深閨泉石費經營。翛然足。還須種柴桑菊。原不慕金閨肉。任花開花落。無榮無辱。半閣遙臨天似水。野航小泛。人如玉倩。天邊會向故園飛。雙黃鵠。

其二

薊北燕南空自歎。風塵碌碌原無分。逍遙容與一生。
清福。櫻筍江邊春正好。尊鱸溪畔秋方熟。只清風明。
月。不須錢隨時足。柴門外閒鷗鷺。東軒內栽松竹。
料歸期未遠。不容卿獨皓腕共牽菱角美。冰盤滿薦。
雞頭肉。更隔年預釀。不時需應千斛。

黃公曰。滿江紅調本雄壯。
舜老篇篇能稱固是作家。

壽祖贊善勿菴用梅村先生壽巢村相國韻。
綠鬢功名雅自負。蒼髯如戟恰又聽玉堂清漏。金閨。

瑤瑟風動鈴音趨直早花移軌影揮毫畢共一春携
手上高樓江南客文蔚起名薰炙庭羅雀塵凝席
正承華初啓烽烟方息擊楫謀成臺上米圍棋齒折
中門屐擬昇平朝野獻南山從今日

寄懷祖贊善勿菴

落托京華憑坐臥高樓百尺暢好是玉河垂柳鳳城
寒食蘋果堆盤紅半染葡萄張幕青如滴黯銷魂還
憶去年時天涯隔誰嘯詠梁園雪空對酒南窗月
只歸來風景不堪重說揆刺刀鳴鼓下鱸穿泥笋迸

籬邊倩迥風。迢遞寄長安。雲千疊。

兄賓實曰。逸氣不難驚。
老杜風情真欲勝其年。

同賀天山先生過篁川廢園和天山述懷韻

別業篁川曾記得。昔年經此恰兩岸。依依綠柳樹猶
如是。老屋欹斜蒼鼠竄。豐碑倒折枯籐寄。歎山川無
恙。綺羅非都休矣。風潭上泉還。旨烟汀外花還紫。
只空庭藻影魚魚。唯唯縱不長貧。何足美。便爲老圃
真堪耻。繼尚書勲業等雲霄。惟君耳。

又

溪柳堂成難自掩。文章聲價美此日。絳紗高座凌顏。
幪謝燭火百年供。嘯詠龍鱗千仞憑。瀟灑想揮鞭一。
蹙造青雲何難者。且暫覓玉山罍。又何必金門下。
任嶽嶽。歷落酒壚花社。捉筆不須尊衛霍。讀書久已。
輕曹馬。只此中丘壑。最移情吾師也。

江行雨泊再和前韻

風雨江干算旅况。誰能遣此幾欲向。筌篲鄰女喚公。
無是一一江豚掀浪拜。雙雙哀雁浴洲。寄看釣蓬吹。
火夜燈紅歸來矣。新茗冽醇醪。旨片雲黑晚烟紫。

指樓船。滄海似聞阿。唯展卷。怕看梁。宋事。持杯翻畏。
罇。聾耻俯奔。濤千尺。聽江聲。悲盈耳。

又

努力加餐。亟爲問江東米價。堪歎息。空囊羞澁。長途。
衰謝。萬里帆。隨鴻影。落孤燈。淚共牛衣。灑撫龍泉。咄。
咄。更書空。誰知者。風淅淅。篷窗罅。波滾滾。檣烏下。
任江魚。吞檻江鷗迎。社夢裏。綠陰蕉。覆鹿杯。中清影。
程生馬。倚柁樓。准趁半江晴。來朝也。

望謝公青墩憶青墩故園讀書處三和前韻

北郭青墩想魂魄。猶應戀此。敢則謂青山謝傳。將無
同是相賞。便携泉石意。自怡祗合烟霞。寄正棲丘飲
谷。十年前難忘矣。菱角美。香芹旨。寒月白。暮雲紫。
有曉猿夜鶴。招予唯唯。縱隔千山。還可共。不知一事
徒淩耻。問半生蹤跡。尚沉浮無言耳。

又

瓦釜雷鳴。難復問黃金土價。閱多少。初鶯早雁。花開
葉謝。炙轂因人。誰見許。新亭有淚。無從灑。儘滔滔日
夜。大江流如斯者。故園栗微霜。罅北堂。棗疎籬。不

愛鮑君知我陳侯均社輪粟昔曾傳柱史人賢猶欲
誇司馬遍天涯購得計然書何求也

風雨泊舟江心四和前韻

亦復何爲奈范叔一寒至此君不見崩濤駭浪滔滔
皆是楚尾吳頭家作寓燈天硯地身爲寄帳蘆中一
葉兩三人真窮矣汲新水逾甘旨被短褐逾朱紫
檢齊梁舊史振髯曰唯天塹不衿衣帶限江流難刷
降幡耻問六朝遺恨幾英雄茫然耳

又

對此茫茫何處問。壚邊酒價那更禁。風吹浪打水流。
花謝點點寒從雙鬢入。絲絲愁共千行灑。只此中眼。
淚滿春江無窮者。笑補石虛空罅。歎填海蓬瀛下。
想隔江烟樹依稀村社帶暝連陰天似墨。濕雲粘夢。
雲如馬。總江南江北影模糊孤燈也。

天山曰淋漓滿紙盡態極妍
驚才絕藻吾推舜民無疑

談滄孺屬題揮鋤居

雞犬雲中曾棲息。匡君巖腹問何事。入廬近市誅茅。
結屋用拙也應長閉戶。畏人原自成空谷。繞疎籬幾。

曲最怡情栽花竹。波漱澹。千層穀。烟慈菴。千章綠。
對湖山。俯仰賞心娛目。瓜架豆棚。晨復暮。帶經負耒。
耕還讀。任紛爭收拾。一蝸廬。消碁局。

過揮鋤居立和談青雪韻

環堵蕭然。正瀟灑。丰神自別。荷鋤倦。擁書萬卷。不營
三窟。半畝筆耕。東海粟。硯田臥采。西山蕨。對北窗風
物。到羲皇南樓月。尋幽勝。頭忘櫛。徒慷慨。心如結。
笑勞勞攘攘。長安車轍。造父難追。泛駕影。夸娥獨許。
名韁撇。擬此生。市隱雜魚鹽。藏身訣。

送潘原白令淑浦用辛稼軒平湖南寇韻

去矣安仁驚憔悴。西風衣葛美筮仕。桃花洞口尋源
而入江。上月明。烏鵲起。洞庭霧。歛魚龍。泣却乘流一
葉望。瀟湘波濤急。莫草檄。臨邛客。非下瀨。戈船力。
只鳴琴。幕府坐銷鋒。鏑吹笛。自當兵。十萬鼓。刀恰向
隆中山。聽楚歌。幾曲靜烽烟。諧金石。

又

堅壁羅洋踞勝算。何須諸葛恰此日。義陵製錦捷書
飛入渺渺烟。寒木葉下滔滔溪。冷潛蛟。泣坐琴堂裏。

嘯海天秋沉流急。漁父畔滄浪客。官中水寥平力。
任健兒躍馬。羗童鳴鏑。明月洞開青嶂合。羅公峰隱。
蒼生出擁孤城大小。西山陽藏書石。

其年曰雄溪雅
健神似稼軒

蒜山晚眺用梅村先生蒜山懷古韻

拳石嵯峨臨斷岸。丹崖百尺看一帶。崩騰京口驚濤。
飛入兩岸分明南北塹。半江割據曹劉敵。更年年芳。
草閱齊梁扁舟客。烽火靜烟墩白。鐘鼓振帆檣集。
俯鎮鄧峭嶸。森陳戈戟。鐵甕勢連龍虎險。樓船日沒。

鼉宅聽蕭蕭。叢竹響寒蘆。吹橫笛。

阮亭曰。斐東驅使南北爲體中獨創讀。舜民此詞古麗雅切直可方駕齊驅。

青墩夏詠和陳其年江村韻

別墅蒼梧蠹雲際。龍鱗千尺凭水閣。風漪銷暑疎簾。
看奕塵拭琉璃。羅翠蓋藻翻苓。簪跳平聲銀鯽儘北。
窗高枕對書眠。牀頭易一室內。虛生白。一庭外。苔。
成積看鶴雛。雛雛鳬兒飛。拍半幅蔚藍天。似綺數莖。
吟斷鬚如戟。聽月明寥亮不勝寒。南樓笛。

其二

鴈鴈鵲。烟扉外。三三兩兩。恰幾曲清流。似鏡碧波。
如掌牛背。牧童。搗笠去。攏頭。饑婦。腰鎌。往喜登塲。穰。
稔。遍黃雲。人熙穰。五畝地。墻陰。敞十頃地。秧針。漾。
正平疇。綠滿海榴紅放。蚯蚓歌。長蛙鼓。鬧桔槔聲。歇。
蟬吟響。挈村農。社酒。賽雞豚。呼儂長。

其三

長日陰陰。隔闕闌。超然城市。見一帶波蕖冉冉。汀蒲。
靡靡。照箸冷。淘槐葉。脆膠唇。環餅松花。美更爛。蒸香。
鑿白魚。肥水厨裏。微吟倦。眠遲起。獨酌罷。炊菰米。

想田夫風味。年年如此閒課。阿奴鋤白木。忙催豎子。
尋蒼耳。只微軀藥物。滿園中沾沾喜。

其四

一抹修眉隱隱見。遠峰羅立。曾記得扶筇洞界。親携
茗汁。輕簍藏芽。和露擷新泉。帶雨捎谿。急捲湘紋。一
縷颺茶烟。松風集。蟹眼沸花。堪吸鳳餅。啜香堪裏。
笑觸炎襍。穢相逢。車笠翠椀暗移。蟬影動綠鬟。淺試
春流澁。待夜深纖指進餘芳。橫波濕。

其五

身有青
卷一
躑躅殘紅聽幾處催歸鴨。鴂隱隱見平蕪。燕剪落花
波夾與我周旋。從我好。用卿作達。從卿法。挽銀河。萬
斛洗炎蒸。涼風霎。髣几畔。添香鴨。矮屋畔。閒看鍾
到。採菱剝芡。不憂貧。乏虎刺。結成顆。顆豆。鳳仙染就
纖纖甲。折一枝斜插。鬢雲邊。銀釵壓。

其六

積翠攢青偏傑出。小山喬木清影下。婆娑午夢黃梁
新熟。花釀蠟房峰。鍊蜜雪堆竹。箔蠶登簇。美滿林無
數。蛻龍孫。千竿竹。窺影鷺。翹溪足。噪簷鵲。巢叢綠。

聽鳥啼未已。蛩吟方續。釣檻收緡。斜柳罨微光。趁月攤書讀。漲一篙綠水。泛輕航。波紋縠。

其七

小閣如船。恰新構青墩之右。還栽就櫻桃百樹。蕉桐半畝。嫩籜雨移。旁舍竹纖腰。露染垂堤柳。倚西風。落筆嘯高天。驚南斗。撈蝦妾捕魚舅。我欲醉謀諸婦。好開樽便飲。甕餘殘酒。半卷離騷。消白眼。一房蓮子。憑纖手。仰林梢。喚起月當頭。成三友。

其八

百頃風潭鎮一派空明浩渺遙掩映
藍湫碧叢蘆幽篠瓜嚼水精白袷冷
李沉玉甃紅塵少送餘涼幾陣藕絲
風荷香遠溪瑟瑟窗紗窅波濫濫新
蟾皎恰甌斟綠醕觴浮清醕綃帳四
垂冰簟展瓊奩半啓簾漪悄理瑤琴
一曲落平沙飛鴻矯

其九

萬綠叢深忽點綴黃鸝兩箇日趁午
槐陰斜轉苔陰低簸赤莧紫茄田野
味芋區瓜架園蔬課問白頭遺老話
桃源隨風唾長松下結趺坐疎藤上
曲肱臥

喜日長無事。壺中天大待月。且乘烟水舫。凌雲欲鼓。
瀟湘柁。傍柴門犬吠。竹邊橋。誰相過。

其十

鐵笛淒清。三弄後。高雲欲裂。還消受。篆烟幾縷。匡牀
八尺。浴罷芙蓉花底。濕粧殘。茉莉香中。覓對團圓素
月。坐長風。松間石。絢扇撲螢飛急。金井斷蟲吟。逼
歎中年以後。傷神何益。夜永試尋河朔飲。數奇莫去。
藍田射玉繩。低急雨。響琮琤。水絃砧。

天石曰。讀諸什。欽傾歷落聲聲。如雨淋金鐸。字字
如珠走玉盤。漸離之筑。宣武之壺。千古之下。鬚眉。

如見舜民長調今爲天下
第一井且以壓倒古人

尾犯

京口感懷

一望古今愁鐵甕城圍銀濤飛雪滿目山川有風帆
千葉北府談兵驚北顧烽烟六代蕪烟沒無端又聽
蕭寺鐘聲還共潮聲咽長江流日夜留得當時明
月多少興亡都向閒鷗說折戟沙沉瓜步壘降旗雨
洗并刀血妙高臺畔只詩句尚堪評閱

秋屏日南北烟霜東西溝水每欲以李青蓮天下
傷心句移贈金焦不道又有舜民一望古今愁也

惜秋華

九日周子叔龔琅霞陳椒峰過飲草堂

又是重陽。悵蕭然環堵，敗荷衰柳。何必登高。高會恰逢良友。人生適志爲佳耳。但取卽時杯酒。搔首見白髮。添愁黃花依舊。萬事吾何有。只醉鄉賓客。與我周旋久。東籬菊。東臯醞。時來相就。隨分野。蕪山肴。年莫負。持螯手。健否。酒酣亂擊。蛟龍吼。生洲日九日。登高名人詩詞不下數千首。如此倩。淡語至何難。遠過古人。

金浮圖

登慈恩寺浮圖

虛空相插天。突兀奮袂而登。扶搖直上。正飄飄天際。
真人想白日。迴風伏檻。雲雷相飭。八水五陵。難望俯。
窺一氣千里。驚悽愴。驚悽愴。無端秋色。驀地西來。
颯然東向。年年只有孤飛雁。何事隨陽。叫落關山響。
看取雁塔留題天。許閒人到處。客吾放。

阮亭曰五陵北原上萬
古青濛濛雅足匹敵

六么令

贈王端士戲用王氏事仿辛稼軒用陸氏事

送玉山陸令體

江東獨步

王坦之

奕代膠東相

王咸

相門玉昆金友

王銓

共挹西山爽

王徽之

此日瑯琊九子

王昕

弱冠風流望

王愷

雪中披氅

王恭

管中窺豹

王獻之

揮麈元城識清

尚王衍

更羨青箱世業

王彪

珍國蒙君賞

王廣

試

看爵位蟬聯

王曇首

鳳閣堪誰況

王擇從

好把太平十策

王通

留待玄通上

王覽

東臯沉釀

王績

輞川詩画

王維

一任新亭自悽愴

王導

阮亭曰：昔許士有隸王氏事，贈予長律，近葉元禮亦有用于氏事，贈睢陽友人，得此闕便成鼎足。

玉漏遲

除夕同內守歲

年華催過眼。依依殘臘。無情去了。兩歲平分。一夜東風易曉。共汝樽開。栢葉正蠟淚融融。相照。閒庭悄。時驚爆竹聲聲送老。總憐新故無窮。奈舊恨方終。新歡更杳。十載雞鳴。辜負夢中香草。但免琴書別與從。今且試開懷抱。春光好。明日明年春早。

弘載日依依相對殊見元蕙風流而纖情麗語化俗成雅逼似齊梁人妙製

水調歌頭

登舟將適洞庭

熙熙形留影咄咄字書空誤我星星華髮攬鏡忽成
翁一葉飛來何處搔首青天無語極目送歸鴻我欲
從之去日暮正途窮無限景蘋花白蓼花紅買得
烟波小艇隨意片帆通醒則松醪一斗醉則松風一
覺載向五湖東鐵笛驚秋曉嘹唳月明中

阮亭曰陶岷水仙有此風致

震澤舟中

雙劍長空倚石破洞庭秋亦復誰能遣此天地一扁

舟三萬六千波浪七十二峰丘壑汗漫五湖遊吾老
是鄉矣此外又何求風爲御雲爲餌月爲鈎共君
往來若雪眼底恣沉浮且覆杯中醺醪呼取山中猿
鶴銷盡古今愁俯仰人間世吾道揔悠悠

生洲曰浩氣凌空非書破萬
卷筆無點塵者豈足語此

涉江返棹偶用楚詞語述懷

鬱結魂誰語浩蕩心飛揚凌天地以徑度遭夜之方
長吾令羲和弭節後使望舒先駕濡足憚褰裳中道
忽改路反顧涕浪浪指西海乘清氣御陰陽倏而

來今忽逝終日處幽篁。增弋機而在上。羅罽張而在下。顧領亦何傷。含睇又宜笑。容與乎江湘。

其年曰此等從古未有自舜民爲之何其似儻真是前無古人

又

解珮兮澧浦捐玦兮江中。將騰駕兮偕逝。四海又焉窮。朝向蒼梧發軔。夕向咸池飲馬。帶劒挾秦弓。往者余弗及。來者吾安從。製芰荷。舉薜荔。集芙蓉。望君致辭。歸鳥升降。寤從容。上有飢飢虎豹。下有狺狺猛犬。徑路浮雲。通誰令排闥。闔江介悲遺風。

旣亭日曾見閭左相。画洛神賦全圖備。極似詭離
奇之妙。復讀舜民二詞。殆與左相丹青爭勝。絲髮
不。禁。叫絕。

過南耕草堂見曹子好道禮斗詞以贈之却

酬原韻

君身有仙骨。汗漫與天遊。便欲乘風飛去。吾恨不爲
騶。白。日。紺。帷。靈。語。夜。半。石。壇。月。馭。長。嘯。國。山。頭。樹。色。
含。丹。篆。溪。影。淬。純。鉤。聆。鳳。吹。乘。鹿。駕。泛。螺。舟。閱。遍。
金。花。瑤。草。飄。紗。入。羅。浮。高。插。銅。官。萬。仞。溪。照。玉。潭。千。
尺。濯。足。俯。清。流。落。葉。占。盈。闕。啼。鳥。記。春。秋。

滿庭芳

題鄧長魯山水圖用東坡韻

山色螺浮。水光鏡淨。茫然一望嗟峨。良常句曲烟景。
片帆多任。是風濤處處偏容我。擊楫狂歌。須記得空
明萬頃。一葦樂東坡。布帆隨意泊。蓼紅蘆白。舴艋
如梭。映迢迢清影。穆穆金波。携取酒鎗茶椀。消碁局。
自日南柯。還多事。寒江獨釣。雪夜好披蓑。

天石曰僕慕山水圖不啻
書冊讀此倍添神往

入羅芥馬上作

麥浪初翻。烟容乍洗。亂峰急雨新晴。小橋幽砌。細響
玉琮瑤。萬樹松篁蔽日。閒點綴。竹屋柴荆。捫蘿葛山
川映發。身在画中行。崢嶸。惟一徑。青天翠嶽。翠嶂
縱橫。更鶯聲低喚。流水相迎。徙倚茂林之下。野人進
碧澗。香羹揮鞭去。斷雲飛霧。常傍馬頭生。

生洲日可當一篇小記兩
段結尾處更覺漸近自然

送江磊齋守鞏昌郡

夢益三刀。管鏤五色。一麾新領專城。江州司馬。熊軾
擁雙旌。別緒乍離。溢浦聽隴水。嗚咽成聲。清輝迥秦

時明月猶照望雲亭。峻嶒西去路盤隄。嶺峻箭筈
峰橫只杜陵得句邊草知名從此渭川花鳥憑臥治
絕塞春生河湟外勦標銅柱石鼓坐銷兵。

其年日以作賦才作詞而不爲聲調
所拘其才大放也安得不袖手相讓